



21. ՀԵԼՈՒՋԱԿ ԹԱԳՈՒՀԻՆ

Արևելյան կողմ մե քաղաք կա, մե թաքավոր. էդ թաքավորը մե տղա ունեի: էդ տղեն իրեք տարի կարդաց, ավարտեց: Էնպես քաջ դուրս էկավ որ՝ ձեռքում էր հ'ընկերներին: Թևերը մնում էր իրան ձեռը, հ'ընկերները ընկնում, մեռնում ին:

էդ տղի զարպին՝ գանգատավոր էլավ քաղաքացին.— Չենք կարա քաշի նրա ձեռը, որ էրեխից կտրեց մեղի:

Թաքավորը աքսորեց իրան էրեսից: Տղեն էլավ, իրան մե ձի վերցրեց, մե ձեռք ասպապ՝ գնաց, ընկավ երկրե-երկիր, դուռ ուղմազ՝ ֆերվան ֆյոչմազ¹, շատ ու քիչ աստված գիտա, գնաց մե քոշք ու սարի ըռաստ էկավ: Տեսավ մե աղջիկ սարի ակուշկից կախ էր ընկեր:

— Խողածի՛ն,— ասաց,— օձն ուր պորտով, խավքն ուր թևով էս տեղրանք ման շէր գար, դու ի՞նչպես ես ման գալում:

— Քո սերն ընձի բերեց:

— Խողածի՛ն, գնա՛ ըստուց, մկա Բոզ դևը կգա, քո մեծ փերթն քո ականջ կթողի:

— Խնդրում եմ, էդ ախ ընձի մի՛ տուր, սիրելի՛, մե կտոր խաց տո՛ւր, ես ուտեմ, իմ ճանապարհով էթամ:

¹ Բ՛լ թուուն կթուշի, ո՛ւ կարավան կրանի (Մ. Բ.):

Աղջիկը խաց իջացրեց շրտով, կերավ, ասաց.— Աղջի՛, Բող դեր ո՞ր սարը վնացեր ա, որ ես չէթամ:

— Էդ առաջիդ սարն ա, որ տենում ես:

Տղեն էլավ, մախսուա էն սարով գնաց: Գնաց, տեսավ Բող դեր մե գերան դրեր թևին, մե նախիր ճին ու շանավար առեջը՝ գալում ա:

— Բա՛րե, — ասաց, — խողածին, էս օխտը տարի ա, իմ ատամ ցավում ա, խողածին միսը իմ ատմին դեղ են ասե:

— Էդ ատմի ցավը հա՛ էդպեսդ պըտի մնա:

— Դու խողածին ես, էդպեսդ ամպախ-զամպախ մի՛ խոսա:

Ասեց, իր ձեռքի գերանով տղին մե զարկեց: Աստված պախեց: Տղեն քաշեց թուրը, խասավ ըդու, գլոխը կտրեց, հակնջները վերցրեց, քեց խուրճինը, էկավ աղջկա կուշտը, ասեց.

— Աղջի՛, դուռը բաց, էս էլ դեի հակնջներ:

Աղջիկը ձեռաց էլավ, օթախները վարդաջրեց, անուշահոտե ընկավ օթախների մեջ, անուշ-անուշ կերակուլներ էփեց, կերան ու էլան քնան:

Աղջիկը ասեց.— Ես քեղի խամար սպասում էի:

— Դրուստ ես ասում, ես քեղի հառաջի խետ «քուր» եմ ասեր:

— Օր դու «քուր» ես ասեր, ախիրաթտա՛ իմ աղբերն քս:

Քուր ու աղբոր պես քնան:

Առավոտուն լուսը բացվավ, տղեն ձինը դուա քաշեց, խեծափ Քուրը ասեց.— Էդ ճամփխով մի՛ գնար, Կարմիր դեթ մեք-յան ա:

— Պըաի էթամ, անկարելի ա:

Ղանչեց աստված, գնաց:

Դուր դուպա, դարպանտ բե դուպա, հընկավ ճամփաի, դառչեց ուր աստվածը, մե քոշք ու սարի ըռաստ էկավ: Տեսավ ակուշկից մե նազանի կախ ա հընկեր, բարե տվեց, աղջիկ բարեն առափ.

— Խազար բարի էկար, խողածի՛ն, մարդ ըս տեղրանք չէք կարող գար, ի՞նչպեսդ էկար:

— Աղջի՛, ի՞նչ կխարցնես, սոված իմ, մե թքյա խաց տո՛ւ, ուտիմ: Աղջիկը իմցավ որ սոված ա, խաց տվեց:

1 Յհավիտան (Մ. Բ.):

— Աղջի՛, Կարմիր դուռ ո՛ր սարն ա գացեր:
 — էդ Սև սարի մեջնն:
 Բռնեց մեջնն, գնաց: Տեհավ որ Կարմիր դուռ գալում ա:
 Տղին օր տեհավ, պոռաց.— Խողածի՛ն, չըլլի որ Բող դուռ սպաներ
 ես, րստե էրևում ես:
 — Ճշմարիտ ես ասում, ընդու սպաներ եմ, քեզի էլ կուշտը
 ղնեմ:
 Գևի հերսն էլավ. ծամերը պիզապիզ էլավ գլխի վրեն, աչքերը
 մթնտաց, սիրտը փորի մեջ կտոր-կտոր էլավ. իսկն իմացավ, որ
 խողածինը իր աղբոր սպաներ ա: Թուավ վեր, թևի վրիցը գերանը
 ձեռը առավ, խողածինին շրփրտեց, գերանի խաստ գլուխը առավ
 գետինը, դրնկրոգամա¹ վեց վերստ գնաց, զատն² ընկավ:
 Խողածին թողի միջից հաչքեր բացեց, որ ինք սաղ ա:
 Քաշեց սուրը, խասավ դեին, գլուխը կտրեց, հականշներն էլ
 վերցրեց, գնաց աղչկա կուշտը, ասեց.
 — էս գիշերը դոնախ եմ քեզի, աղջի՛, ահա էս էլ հականշներ:
 Աղջիկը օթախը վարդաշրեց, տղին ներս առավ, ասեց.
 — Ես շատ շուտով քու ճամփախ իշկում ի, խողածի՛ն:
 — Հառեղ ես քեզի չըսի՞ քի. «Քո՛ւր, ընձի խաց տո՛ւ»:
 — Որ ընձի քիքիը ես ասում, ախիրաթտա իմ աղբերն ես:
 Հառտուն էլավ, ձինը, քաշեց, ճանապարհ ընկավ:
 — էդ ճամփով մի էթա, կիաան-կեւեզ³ ա,— ասեց աղջիկը:
 — Աստվածս վկա՛ ես էս ճամփով պրտի էթամ:
 Ղանչեց աստված, գնաց. շալ շալիստան, սյանդիյասյան⁴:
 էդ ճանապարհը դայրը⁵ դու շէր անում: Գնաց մե քոշք ու սա-
 րի ըռաստ էկավ. տեսավ, որ մե աղջիկ կախ է հրնկեր, իշկում ա:
 էս աղջիկը արևին ասում ա՝ դու դուրս մի հէլնիր, ես կէլնիմ.
 աշխրթին պու իմ. որ շուրը խմում ա, պողզից կըլտըր, կըլտըր
 էրևում ա:
 — Բարև քե՛զ,— ասեց,— աղջի՛կ:

1 Փայտ մի երբ ձգես, երկու ծայրերն փոփոխակի գետնին զարնելով կեր-
 թա (Մ. Բ.):
 2 Հեռուն (Մ. Բ.):
 3 Գնացող-ետ չեկող (Մ. Կ.):
 4 Մեծ անապատներ, օտար ծովեր (Մ. Բ.):
 5 Թռչունը (Մ. Բ.):

— Ա՛յ խաղար բարին, իմ գլխին, իմ էրեսին էկար, դու թաքավորի որդի՛, էս Սև դևի մեքլան ա, ո՞վ կարնեք ըստե գեր, որ դու էկեր իս:

— Սերդ ի ընծի ըստե բերեր ա:

— Սերով կենաս, խողածի՛ն:

— Սոված իմ, նազանի, մե թքլա խաց իջացրա, ուտեմ: Խաց իջացրեց, տղեն կերավ ու ասեց.

— Սև դևն ո՞ր կողմն ա գացեր:

— էդ Սև դևը ծովի զրաղի սարը գնացեր ա ավղուշ:

Իսկը տղեն գնաց դեպի դևի դեխը: Տեսավ Սև դևը էն յանից դալում ա. ճին ու ջանավար տվե հ՛առեջն, մե գերան էլ դրեր թևին, ժողվեր՝ բերում ա. հաչքն առավ խողածին, ղանչեց.

— Չըլլի՞ Բոզ դևին, Կարմիր դևին սպաներ իս:

— Դո՛ւ ասեցի՛ր. չե՛ս վախենում, քեզ էլ պրտի սպանեմ:

— Վա՛յ, — դև ասեց, — խո՞ղ էկեր՝ ընծի ծածկեր ա:

Սար ու ձոր դևի հաչքին մթնան, ծամերը գլխի վրեն պիզ-պիզ էղավ. դալարն ընկավ դևի փոր, հաչքները բրտեց:

— Խողածի՛ն, — ասեց դևը, — հառաջս ընկիր, էսօր իրավունք չկա:

Առավ իր տունը գնաց, խացը կերան, դևը ասեց.

— «Խաց ու գինին, տեր կենդանին», քո տան պես արխային քնի, ես մուխաննաթ մարդ չեմ:

Քնավ: Որ բարի լուսը բացվավ, խաց կերան, ղանչեց դևը.

— Խողածի՛ն, թատպիրդ տե՛ս, մեր կոխվը կոխվ ա:

Հ՛էլան, մտան մեյտան: Տղեն քաշեց սուրը, Սև դևը վերցեց կյուրզը, խասան հ՛իբար. մինչի կեսօր կոխվ արին: Էն ինչ դևն էր՝ տզի օսկրներ ջարդեց, էն ինչ տղեն էր՝ դևին թրով փրբրդեց:

Դևը ձայնեց. — Խողածի՛ն, դարձի՛, բավական ա. էթանք խաց ուտելու:

Խողածնի թևից բռնեց, տարավ, ասեց. — Խողածի՛ն, ես էթում եմ քնելու՛:

Դևը ունեք անմահութենի հաղրուր, գնաց լողանալու: Խողածնի յարեքը ցավ ա տալում, նրոնըռում ա:

1 Հաչորգում է փակագծում դրված «Խափեց խողածին» արտահայտությունը, որք ասացողի բացատրությունն է (Մ. Կ.):

Իսկը դևի կնիկը էկավ խողածինի կուշտը.— Անումը ի՞նչ ա,—
ասեց:

— Աբրահամ փաշա,— ասեց:

Ասեց.— Ափսոս տղա ես, դևը քե խափեց՝ դնաց լեղանալու:

— Հիմանամ դու իմ ծնող քուրն ես, էն հաղբուրը ցուց տո՛ւ, ես էլ էթամ լեղանամ:

— Ա՛յ, դուն էլ դիներ ընձի աղբեր չկա, պըտի ըլլիր ընձի աղբեր, որ դու էլար ընձի աղբեր, ես դինամ, դու:

Դևը սաղցավ, էկավ քնավ:

— Աբրահամ փաշա ջա՛ն. էլի գնա՛ էն աղբուրը, էն Կարմիր սարի տակն ա, լեղացի ու էն աղբուրը ծածկիր, ջուրը պախուս, շատ ջուտով արի՛:

Տղեն գնաց, էն աղբուրը՝ լեղացավ. սաղցավ, հ՛էլավ մորից մեկ: Աղբուրը ծածկեց ու թողեց, էկավ ինքն էլ քնավ:

Դևն հիմցավ.— Խողածի՛ն, հ էլիր, մեր կռիվը կռիվ ա:

Հ՛էլան, մտան մեյտան, մինչի վերջին կովան:

— Բո՛ւ ա, խողածին,— ասեց դևը,— ժամանակ շունենք կըռվելու:

Դարձան. տղեն մնաց, դևը գնաց՝ որ հաղբուր չկա. «լալա ֆյոշուպ, յուրախի դալուպ»¹:

— Վա՛յ վա՛յ,— ասեց,— խողածին իմ աղբուրը դողացեր՝ տարեր ա:

էկավ թեխ խողածի՛ն. ասեց.— Վերև աստված. ներքև քե եմ ապավիններ, իմ հաղբուրը տո՛ւր, ես քեղի մեղա, դու ընձի շոջ աղբեր, ես քեզի պզտիկ աղբեր, «խաց ու գինին, տեր կենդանին»:

Առավ դևին, գնացին հաղբուրը բացին, լեղացան, սաղցան, էղան մորե մեկ:

Մե ժամանակ էդպես մնացին, օրերից մեկ օր տղեն դուրս հ՛էլավ: Դևը ճամփու դրեց, ասեց տղին.

— Իմ ճակտից իրեք մաղ քաշա. որտեղ որ նեղ կընկնիս, կրակի տո՛ւր, ես քու կուշտ հազր եմ:

Տղեն օրերից մեկը խասավ Սև ծովի դրաղը. տեսավ քառասուն բաղրկյան կայնած ին, խարցրեց.

— Քանի՞ ժամանակ եք ըստե:

¹ Կեղաղբ անցավ, տեղը մնաց (Մ. Կ.):

— Քառասուն օր:
 — Հ'ընչի քառասուն օր ըստե եք:
 — Աստված մեզի հ'աչքից ձգեր ա, քամի չգալու՞մ. կյամիք շքանում:
 — Ձեզ տիրացո՞ւ, տերտե՛ր, մոլլա՛ չկա՞:
 — Շա՛տ:
 — Ամեն իրեն կողմով իրեն աստված ապավինի:
 Ամեն մարգ էլավ իրանց աստվածը ապավինեցին:
 Աստված էլ քաղցրացավ, քամիքը փչեց. կյամիք տարան Ստամպուլու քաղաքից դուս բերին. բազրկյաններ ժողվան հ'իբար վրա, ասին.
 — Աստված սիրող էս մարգին մե աղ խարճլըղ տա:
 Ամենը իր կողմով տվին, էղավ մի տոպրակ ոսկի: Տղեն խար-
 ցըրեց բազրկյան բաշուց:
 — Դու ո՞րտեղ պըտի իշնիս:
 — Թաթոս բեկի խանը:
 Խանեց, ուր փեշաղը նշանց տվեց, ասեց.— Երր օր ես իմ փե-
 շազը հ'օղորկի՞ էս ոսկին ըղրկի՛ր, դա:
 Հ'ինքը ընդոնցից ջոկնվավ, գնաց քաղաք:
 էդտեղ մի ջհուտ հ'առեջ էկավ.— Բարո՞վ,— ասեց,— թաքա-
 վորի տղա՛, իմ գլխին, իմ հ'էրեսին ես էկեր. հրամեցի, իմ տունը ղոնախ ես:
 — Ջհո՛ւտ, էդ ի՞նչ թոմարի ձիավոր ըգտեղ կայնած ին:
 — Մեր քաղաքի մեջ մե անիրավ աղջիկ կա. մե ձիան գլոխը սեհր արեր՝, քցեր ա գետինը, ըդուր վրեն պարապում են:
 — Քէլ'թա՛նք, տենանք, ի՞նչ գլոխ ա:
 Գնացին, տեհան որ մե ձիան գլոխ ա, մե տաս ձիավոր էլ ըգտեղ կայնած ին, խարցրեց.
 — Աղբե՛րք, դու ի՞նչ մարդիկ իք:
 — Մենք իշխանավոր մարգի տղա ենք:
 — Դե գնացե՛ք. տենամ, ի՞նչ թավուր իք վերցնում:
 Ձիանը քշեցին, մղրաղը զանին գլխի մեջը՝ շկարցան վերցցին:
 Նոպադ էկավ տղին, գնաց, զանեց մզրախը գլխի մեջ, կայնավ զենկուքի մեջ, որ թափ տվեց՝ ձիանը մեջքը օրթալըխից կոտրվավ. ու փոր-փոշման դարձավ:

1 Կախարդներ (Յ. Բ.):

— Զհուտ աղբե՛ր, ընձի մե ձի,— ասեց տղեն:

— Իմ հորեղբոր մե ձի կա, մե տոպրակ օսկու ա տալում:

Տղեն փեշաղը տվեց, ասեց.— Տա՛ր Քաթոս բեկի խանր, տո բաղրկյան պաշուն, մե տոպրակ օսկի կա ա՛ռ, արի՛:

Գնաց, տոպրակ առեց, էկավ. տվեց իր հորեղբոր, ձին առաւ! . տվեց թաքավորի տղին: Թաքավորի տղեն խեծավ, գնաց, գլխի վրեն կայնավ. զարկեց մզրախով, գլխը վերցրեց, տարավ, զանեց թաքավորի սարային:

Զհուտը գնաց, նստավ խնամաքարի վրեն, ասեց.— Իսկը մկա ես՝ իմ խարսը պըտի տանեմ:

Աղջկա խեր ասեց.— Մայիս ամսին իմ վրեն կռիվ գալող մարդիկ կան. թոր էրթա, էնոնք էլ հետ տա, ես իմ աղջիկ կտամ ընդու:

Մնաց մայիս ամսին, տղեն էլավ քնուց՝ որ ճշմարիտ ա, ղոշուն էկեր ա, աստղին հաշիվ կա, ղոշունին շկա, զարմացավ, կրակ էլ ըլլեմ, շեմ կանար ըսղունցը էրեցնի: Նստավ, միտ սրավ, իր Սե ղե աղբերը ընկավ միտքը, ջգդանից խանեց մաղը, տվեց կրակ, տեսավ հայաքին մե ղոշատ՝ ղեի թեի վրեն հ՛իր առեջ կայնուկ ա:

— Աղբե՛ր,— ասեց,— աշխարք ավիրեմ, թե շիքեմ:

— Էդ հալ ղոշուն իմ վրեն էկեր կռիվ:

Կզացավ, գետնիցը մե խորոմ խոտ վերցեց. օլրեց, արավ ջով², փաթթեց տղի գլխը, ասեց.

— Էգ ջով թող գլխդ, որ կովի մեջ ճանաչեմ, քեղի շղանեմ:

Գերան գցում էր, վաթսուն շատր մե տափնում էր, մեր մանուկ ուրացավ, շգիցան էս զազապ:

Դեը էկավ տղի մոտ, ասեց.— Իմ ճտկտից մազ քաշա, գիր ճգդանդ, ես կէթամ, մկա քու քուրը վախեցավ, մինակ ա:

Մաղը քաջեց, Սե ղեը գնաց: Տղեն էկավ, պատմեց ջհուտին թե՛ ես ղոշունը ջարդեցի: Զհուտը վերցուց իշխանավոր մարդիկաց ու աղջկա հերը, գացին կովի տեղ՝ ջանդկներ տենան, օղորթ ա, թի սուտ: Տեհան օղորթ ա: Էկան, աղջիկը տվին տղին, դրին մե կառեթ. աղջկան էլ մե կառեթի մեջ, քաղքից դուրս էլան:

Հինգ հարիր ձիավոր էլ դրեց հետ, գացին: Իրեք գիշեր, իրեք ցերեկ գացին:

1 Մեծ գերան (Մ. Բ.):

2 Կեմ (Մ. Բ.):

Տղեն ասաց.— Էթաս, տենամ էս գիշեր, թե իմ կնիկ քո՛ւ ա, քեշի՛լ ա:

Աղջկա կառեթ էդ ձիավորներու վերի գլուխ կայնուկ էր: Գնաց նշանածին տենալու: Տեսավ որ շատըրին մեջ քնած ա. իսկ շատըրի փեշաղները քանդեց, մտավ ներս. շամտներ չորս կողմ վառվում են, իսկ գնաց նշանածի վրեն նստավ:

Սեհրպաղ էր, սեհր արեր էր:

Տղեն հ'երեսները պաշեց՝ չիմացավ, կըճմտեց՝ չիմացավ: Տեսավ ծծերի վրեն կոճկած ա. կոճկները բացեց, ծծերը դուրս բերեց, տեսավ որ ոսկե ժընճըլով մե անգին քար քցած էդոր ծծերի մեջը. որ քարը էրեաց, լուսը տվեց շատըրի մեջը:

Տղեն տեսավ, որ էդ քարը ճրագի պես վառվում ա, հանեց, դրեց ուր ջեպը. կղավ կուշտ պաշեց ու գնաց ուր շատըրը:

Ճամփին մտածեց՝ էս ինչ քար ա. որ բացեց սև ղառղառի պես մե ղուշ ղարկեց ու էդ քարը ըգուր ձեռից առավ, խաբեց, շատրից դուրս բերեց, դարձավ վրեն:

— Տղա՛, — ասեց, — էս էլ զոռպութենն չէ, որ աղջիկը բերես:

Դարձավ, տղին շիքեց՝ դաթր, հեծավ:

Աղջիկը հ'իմացավ, որ իր անգին քար իր ծծերի մեջ չէ.— վա՛յ վա՛յ, — ասեց, — տարավ տղեն:

Ջհուտ էլավ, թուղթ իջկեց՝ որ էրեր ա դաթր, հեծեր՝ կէրթա:

Հէլավ ընկավ էտեը, մինչի լուսը բացվավ խասավ Սև ծովի դրաղը. տեսավ մե տղա, էկեր ղայեղով իրան համար ցախ ա ժողվում:

— Այ տղա՛, էդ ինչ ցախ ա ժողվում ես:

— Ընձի հարսանիքի ցախ ժողվում եմ:

— Ին քեզի համար եմ էկեր, թարկը տո՛ւր էդ ցախին:

Տղեն դարձավ իջկեց աղջկան, խելքը թռավ, թառ ու մառ էլավ: Ցախը թալեց, աղջկան տարավ, ծովից հանեց դուրս:

— Գնա՛, մե շարսապ բեր, առնիմ իմ վրեն, էթանք ձեր տունը, — ասեց աղջիկը:

Տղեն էլավ, գնաց թըխ տունը, իսկ աղջիկը ղայեղը դարձրեց ծովի մեջ, գիշեր, ցերեկ գնաց, մե օտար քաղքից դուրս էլավ:

Առատուն՝ աղոթրանխառն տեսավ ծերացած խալիվոր ծովի հ'ափուն նստեր՝ լվացվում ա:

— Բա՛րե քեզի, — ասեց:

— Հազար բարի, որդյակ ազնիւ:
 — Հայրի՛կ, էրեխից ի՞նչ ունիս:
 — Ունեմ յոթը աղջիկ:
 — Հայրի՛կ, գաս ընձի էլ էնիս քեզի աղջիկ, ըլենք ութը:
 — Որդյակ,— ասեց,— չեմ կարող պահել:
 — Հայրի՛կ, հ'ընչի՞. ինչ փեշով ես կառավարվում:
 — Ազնիւ որդի՛, ես փինաշի եմ, օրական կառնիմ տասը հաց,
 յոթը հացը կտամ յոթ աղջկան, էրկուս էլ կառնինք մեզի մարդ ու
 կնիկ, էնտեղ կմնա մեկ:
 — Հայրի՛կ, էն մե հացն էլ ընձի:
 — Արի՛, ջուխտ մաշիկ հավելորդ փինա կանեմ, իմ հ'էրսին
 գաս:
 Աղջկան առավ ղայնդից ցած:
 — Հայրի՛կ,— ասեց աղջիկը,— օրական մե ոսկի կտաս, մե
 մարդ կբռնիս, որ իմ ղայնդին մուղաթ կենա:
 Աղջիկը գնաց տունը, տեսավ շատ աղքատութենի մեջ ին, իր
 գլխից մե լյայլուխ տվեց հալիվորուն, ասեց.
 — Տա՛ր պազար, ըսդոր գինը շորս հարիր մանեթ ա:
 Խալիվորը տարավ ծախեց, փարեն տվեց աղջկան:
 — էս հարիր մանեթը կտաս յորդան դռչկի. հարիր մանեթն էլ
 կտաս եմակի, հարիր մանեթն էլ կտաս շորի. հարիր մանեթն էլ
 կտաս ապրըշմի, ղնայուղի:
 Տարավ հաջողակ հալիվորը ամեն էլ կատարեց:
 Աղջիկը օրական շիքեց լյայլուխ, հալիվորը ծախեց. հա՛ ծա-
 խեցին, հարստացան: Քաղաքին մեջ էլ մե մեծ վաճառական էդ
 խալիվոր դարձավ:
 էդ քաղաքին մեջ մե թաքավոր կար, էդ թաքավորին մե տղա
 ունեք, եռեսունը իննը աղջկա հետ նջանվեր էր, կպտրտեր՝ որ մեկ
 էլ առնեք, որ քառասուն թմեր, որ իր քեպինը կտրեր. էկավ էդ
 լյայլուղից մեկը խալիվորի ձեռը տեսավ, ասեց.
 — Խալիվո՛ր, էս ո՞վ ա արեր:
 — Իմ աղջիկը:
 — Քեյե՛, էթանք, քո աղջիկը տենանք:
 Գացին, տեսան. նշան տվեց աղջկան, նշան առավ:
 Աղջիկը ասեց էն թաքավորի տղին.— Քու մեկել կընկտերի
 հետ առատուն պըտի սեր էնիմ ծովի ղրաղը:

Դալալ քցեց քաղաքի մեջ, պոռացին քի անուն որձեղենն ընի,
քաղքից դուրս չընի, որ ընդոր կընկտըներ ծովի ղրաղը սեյր անեն:

Իսկ էդ աղջիկ մյուս աղջիկներին բերեց, իր ղայեղի վրե կայ-
նեցրեց. խափեց աղջիկներին, լցեց ղայեղը, առավ հընկավ ծովի
էրեսը:

էդ աղջիկը ասեց.— Մենք քառասուն հոգի՝ կանանք մե մարդի
ուժուտի՞ն մնանք:

— Չէ՛,— ասին մյուսները:

— Դու ընձի կլսաք, որ ամեքիդ մե-մե թաքավորի տամ:

— Հա՛,— ասին:

Առավ ու գնաց էդ ծովի հ'էրեսով, գացին Ստամպուլա կողմիցը
դուս հ'էլան մե քարափից:

Քարափին քառասուն հարամի բնակվում էին. էկան աղջիկնե-
քի առաջները կտրին:

Աղջիկը պոռաց.— Դու ո՞ւր ես դալում, ձեզի համար ենք գա-
լում, դո՞ր ես թեթևանում:

էդ թաքավորի աղջիկը, առավ էդ քառասուն աղջիկն էլ, դուրս
հ'էլավ: Ամենքուն մեկը տվեց, ինքն էլ հարամուբաշուն առավ: Ղըբ-
կեցին Ստամպուլա օխտը տարվա թունգ գինի բերին, էլան սաղի՛:
Ամենայն մե աղջիկ իրանց մարդին էլան սաղի, էնքան խմցրին, որ
տեղպստեղ թմրեցրին: Որ հարամիքը վեր հ'ընկան, քաջին հարա-
միքի սրերն, հարամիքի վզերը կտրին, ընդոնց շորերը հագան, աս-
պապը կապին, ձիանքը հեծան ու էդ կետուկները կտրին, գալողին
մորթեցին, թալնեցին ու սպանեցին:

էդ աղջիկների մեծի անունը դրին Քեսեքես սուլթան:

Ստամպուլա մեջ գողութեն շատ էր բանում, թաքավորը զրու-
թեն էրավ Քեսեքես սուլթանին. «Իմ քաղաքի միջի գողն էլ որ
կտրես, իմ աղջիկն էլ կտամ քեզի»:

Գիրը որ հասավ Քեսեքես սուլթանին, աղջիկներին թողեց ըդ-
տեղ, հ'ինքն հ'էլավ, գնաց քաղաքին մեջ. տեսավ շատ դեվրեշներ
կան: Հինքն էլ գնաց դեվրեշխանե, մե ձեռք դեվրեշի շոր առավ,
խադավ, մե քեշքուլ էլ առավ ձեռը. տեսավ դեվրեշներ քաղքից
դուրս հ'էլան. հ'ինքն էլ խետներ դուրս էլավ. գնացին, լցվան մե
զաղա:

1 Գինի տվող (Մ. Բ.):

Դեմքերի գլխավորը ձայնեց.— Որը որ մեր մեջ հավելորդ էկեր ա, էթա թաքավորի խազինեն կտրի, բերի:

Համարեցին որ Քեսեքես սուլթան հավել ա:

Չորս մարդ տվին ընդոր, գնացին թաքավորի խազինեն կըտրելու: Կտրին, բերին, լցին զաղեն:

Քեսեքես սուլթան մե շաբաթ մնաց. ըդոնց վեր ու դիրը, նըստել-կայնելը հիմացավ. օրերի մեկ օր՝ գնաց, խասավ աղջիկներին ու վերցրեց, էկավ զաղի դուռը կտրեց, քաշին սրերը ու ներս մտան, ոչխարի նման բոլորը սուրի քաշեցին:

Հ'առատուն լուսը բացվավ, ջառ քցին քաղաքը, դանչին.— Աստված սիրող, վիր մալն օր գացեր ա, գա', իր մալը տանի:

էկան, ամեն մարդ իր մալը ճանչցան ու տարան. թաքավորն էլ էկավ իր խազինեն տարավ: Բերավ աղջիկն էլ Քեսեքես սուլթանի վրեն պսակեց:

Մե էրկու տարի անցավ, թաքավորը վախճանավ: Բերին Քեսեքես սուլթանին արին թաքավոր, էն էլ ինչ որ որձեղեն կար, շթողեց ներս, աղջիկներին հ'առեջ քաջեց, էրեց վազիր, վոքիլ, մեյտար, շպուխչի:

Աղջիկն ինչպես որ պսակվեր ա, թաքավորի աղջկա հ'էրեսը չէ թո՛ւմ: Մեկ օր թախտի վրա նստած էր, տեսավ Աբրահամ փաշեն, բորիկ, թումպնթափ, ջհուտն խելքը գլխիցը առեր՝ ցնդուկ, ցնդուկ էթում, դազ ա պահում:

Թաքավորը բռնաց.— Ամա՛ն, էդ զազարածին բռնե՛ք:

Չեռաց խասան, բռնեցին, բերին թաքավորի հ'էրեսն:

Թաքավորը հարցրեց.— Ա՛յ տղա՛, դու ի՛նչ մարդ իս:

— Ջհուդի զազարածն եմ:

— Այ տղա՛, գիջերը ջհուդի դոները բաց կթողես, որ հ'առատունն իմանամ բաց չես թողեր, քեզի կոնեմ կրակի մեջ, կվառեմ:

Հարցուց.— Ջհուդն ըսկի քնո՞ւմ ա:

— Չէ՛, թաքավոր:

— Ընչի՞ չի քնում:

— Թաքավորի աղջիկից վախենում ա:

Թողեցին. տղեն գնաց դազերը պահելու:

Հ'իրկուն մեկ էլ բերեց, տղին խրատեց:

Տղեն գիշեր դոներ բաց թողեց:

Քեսեքես սուլթան տաս խոզի վերցեց, գնաց ջհուդի դուռը

րոնեց: Իսկ ջհուղը բռնեց, բերեց թաքավորի տիվանխանեն: Ինքը
դնաց թաքավորական թաղը դրեց, նստավ թախտի վրեն. դանչեց
ջհուղին, բերեց հիրան էրեսը, ասեց.

— Ջհո՛ւղ, ո՛ւր ա իմ անդին քարը:

— Քեղ մեղա՛, քու աստըծուն մեղա՛, դրեր եմ իմ օթախների
հիմը, շարեր եմ վրեն:

— Չեմ դիտում, իմ անգին քարը բե՛ր:

էն սահաթը բերեց:

— Հա՛, ջհուղ, ուղում եմ քեղնից Աբրահամ փաշի խելքը:

Մե տաշտ ջուր բերին, դրեցին արանքները. ջհուղը գիր առավ
ձեռ, գրեց. Աբրահամ փաշին էլ կայնեցրեց էնտեղ, ուզեց ջհուղից
Աբրահամ փաշի խելքը:

Աբրահամ փաշի խելքը բերեց: Որ բերեց իշկեց իր ղլլըխին,
լացավ, ու քիթ ու բերնի վրեն վեր ընկավ:

Թաքավորը ասեց.— Ինչո՛ւ կուլաս, այ տղա՛:

Նորեն կայնավ, իր գլխի գալաթը թաքավորին գանգատ արավ:

Թաքավորը ասեց.— Իգի սուտ ա:

— Չէ, թաքավո՛ր, սուտ չէ:

Ջհուղին սկսեցին բրդել:

Աբրահամ փաշին համամլամիշ արին, բերին: էն հառաջվա
գեստերու պես նորոգեց: Ղանչեց.— էն աղջիկը որ ղու կորցրեր ես,
ըստեղ ըլլի կճանաչե՞ս:

— Այո՛, ըստ չե՞մ ճանչնար:

Թաքավորը գնաց իր աղջկա կիյիմը¹ հագավ, անդին քարը
քցեց վիզը, էկավ դռնից:

Տենալու պես ճանաչեց, հասավ աղջկան:

Աղջիկը ասեց.— Մե կնիկ էլ ընձի կա, էն էլ կտամ քեզի:

Աբրահամ փաշեն էրկու կնիկ ունեցավ:

Հարամի աղջիկներին էլ վազիրի, վաճառականի տվեց, թաքա-
վորութեն էլ տվեց վեզիրին:

Իրան ծանտըրը թողեց, թեթևը վերցրեց, դանչեց աստված, քա-
ղաքից դուրս հ՛էլավ, օրերից մեկը հասավ իր հոր երկիր, իրան
հարսանիք արավ:

¹ Ձևը (Մ. Բ.):